

MALTRATO SERIO ENTRE HOMBER Y MUHER NA DAKOTA

ORANJESTAD (AAN): Pa un caso di maltrato Central di Polis a dirigi un patruya na altura di Dakota Bar, na unda un muher lo a worde maltrata segun e prome informe malamente pa un homber.

Polis ta topa na e sitio e señora herida di inicial M.A.K., segun informe cu polis por a capta cu doño di un establecimiento lo acomete e acto aki. Mientras tanto e señora mester a bay hospital pa ricibi tratamento.

Na Warda di Polis a presenta e homber di inicial E.H.J. pa denuncia un caso. Recherche a nota cu e homber su man drechi ta den verband. E denunciante a declara cu un rato prome e caba di sali hospital. El a sigui declara cu dilanti su

negoshi el a worde maltrata
pa su amiga. E amiga a corte
cu un botter di "Night Train"

na su man drechi. Esaki pa
entre otro cu e homber a
pone un fin na e relacion en-
tre nan dos.

El a ricibi dos corta na su
man, di cual uno docter me-

ster a gancha na 5 lugar y e
otro 10 biaha. Cu otro
palabra 15 gancho docter
mester a cera e heridanan.

E corta ricibi a pone cu e
homber lo a bira razo y a
maltrata e amiga mala-
mente.

di entrega keho contra di su
amiga.

Durante di e interrogacion
diripiente e amiga di inicial
M.A.K. a presenta na Warda
di Polis. E ultimo a bisa cu
el a worde maltrata pa e de-
nunciante.

mester bay Santo Domingo
su siguiente dia, cu ta algo cu
e amiga no a worde poni na
altura.

DENTRO DI 24 ORA DOS DETENIDO A LOGRA DI HUÏ

ORANJESTAD (AAN): Ayeramainta despues cu e homber di inicial A.L.F. a pasa un anochi for di man di justicia, su tata a entrege na autoridadnan.

Segun informe cu A.L.F. a worde deteni pa menaza y maltrato. Durante cu e tabata den un camber relaciona cu interrogacion el a probecha di sali bay. El a baha trapi y bandona Warda di Polis

tranquilamente.

Un buskeda cu a sigui no a duna resultado. Su tata mes den oranan di mainta a hibe Warda di Polis y a entrege na autoridadnan competente.

Mientrastanto ayeratardi,
un sospechoso a logra di huy
tambe for di personal di
KZP. E joven di inicial M.G.
na momento di su escape, su
mannan tabata geboei.

Segun informe cu un ciudadano lo a nota un homber ta core riba caminda publico na altura di Corte di Justicia cu su mannan geboei.

E ciudadano no a vacila y a reporta esaki na Warda di Polis mesora. Inmediatamente Central di Polis a mobiliza y a dirigi patruyanan pa participa den y buskeda di e fugitivo.

Sospecho a lanta cu e fugitivo lo ta scondi den un Chollerhouse. Polis a invadi e esaki, pero e fugitivo no tabata eyden mas.

M.G. ta un joven di 16 año,
kende ta conoci pa justicia.
Su edad ta subi y el a cu-
minsa bira mas peligroso.

Recientemente e lo a
menaza un guardia cu un
arma di fuego na un hotel.

**COLOMBIANO
BURACHI CORIENDO
CU BROMMER**

ORANJESTAD (AAN): Tabata madrugá cu den Elleboogstraat cu un patruya policial a para un manehador di un brommer. E homber na e ora di Dios, lo ta buscando su morto ya cu e ta maneha su brommer bao influencia di alcohol.

Polis mesora a detene y a hibe Warda di Polis. Ta trata di e Colombiano di inicial A.A.R., y na Warda di Polis el a pasa test, pero esaki a sali malo. E no ta apto pa maneha ningun vehiculo riba wiel.

Despues cu verbaal a worde traha e por a bay su cas. Pero sin su brommer pa evita peliger pa su mes y na otro.

